

याकूबं च्वःगु पौ

म्हसीका

येशूया किजा याकूबं थ्व पतिइ रोमी साम्राज्यया थी थी शहरय् च्वनाच्च्वंपिं यहूदी विश्वासीतय्त स्त्रीष्टियन चालचलन गथे जुइमाः धकाः थी थी अर्ती बियातःगु दु।

याकूबं थुकी तःमि, चीमि, जाँचय् लाकीगु, भिंगु चालचलन, रूवाः स्वयाः ज्या यायेगु, विश्वास व ज्या, मेयात खःकथं छचलेगु, भिंगु व मभिंगु बुद्धि, ल्वापु, घमण्ड, क्वमिलु जुइगु, मेपिन्त दोष बीगु, तःधंछुइगु, सह यायेगु व प्रार्थनाया बारे ध्वाथुइकातःगु दु।

थ्व पतिइ विश्वास याःथें ज्या नं याना क्यने माः धकाः बः बियातःगु दु।

धलः पौ

न्ह्यखँ	१:१
विश्वास व बुद्धि	१:२-८
चीमि व तःमि	१:९-११
जाँचय् याःगु व जाँचय् लाःगु	१:१२-१८
वचन न्यंथें यायेमाः	१:१९-२७
रूवाः स्वयाः ज्या याये मज्यू	२:१-१३
विश्वास व ज्या	२:१४-२६
मेयात लकय् हनेगु	३:१-१८
संसारयागु माया	४:१-५:६
मेमेगु अर्ती	५:७-२०



याकूब

१ परमेश्वर व प्रभु येशू ख्रीष्टया दास याकूबयापाखें सारा संसारय् न्यंक वनाचवंपिं इस्राएली-तय्गु भिंनिगू कुलयापिं मनूतय्त ज्वजलपा।*

विश्वास व बुद्धि

२ दाजुकिजापिं, छिमित न्ह्यागु कथंया दुःखकष्ट जू वसां लय् ताया चव्वां। ३ छायाधाःसा छिमिगु विश्वास जांचय् यात धाःसा भन जक छिमिगु विश्वास बल्लाइ। ४ थुकथं विश्वास बल्लाकाः छिमिसं भरोसा तयाचवनेगु त्वःते मते। अले जक छिपिं बल्लाइ, छुं नं मगाः मजुइक सिद्ध जुइ।

५ छिपिं सुयातं बुद्धि माःसा परमेश्वर-याके फव्वं, अले वय्कलं वयात माक्व बुद्धि बियादी। वय्कलं फुक्कसित माक्व बुद्धि बियादी, छायाधाःसा वय्कः सुयातं छुं बीत नुगः मस्याः।

६ छिमिसं वय्कःयाके फवनेबलय् वय्कलं बियादी धकाः विश्वास याये माः। परमेश्वरं बियादी ला बियामदी ला धकाः मनय् संका तये मज्यू। मनय् संका तयाः फवनिपिं मनूत फसं उखे थुखे याःगु समुद्रया लःद्वम्बः थें जुइ।

७ अथे मनय् संका तया जुइम्ह मनूयात परमेश्वरं छुं हे बियादी मखु। ८ थथे दोमन जूम्ह मनूयागु ज्याखँ थातय् लाइ मखु।

तःमिपिं व चीमिपिं

६संसार्य् चिधंम्ह मनुखं परमेश्वरया न्ह्यःने तःधं जुइ दुगुलिइ छयं धस्वाकी। १०अथे हे तःमिम्ह मनु नं चीमि जुइ माःगुलिइ लय्ता छायाःसा व भवाः जुयावनिगु ख्यलय् च्वंगु स्वां थें खः। ११निभालं यानाः घाँय् फुक्कं गना वनी, स्वां भवाः जुयाः हाया वनी। अले छतिं बांलाइ मखु। उकथं हे तःमिम्ह मनु नं छन्हु सिना वनी।*

१२दुःखकष्ट जुयाच्वंबलय् नं परमेश्वरयाके भरोसा तया च्वंम्ह मनु धन्यम्ह खः। अथे दुःखकष्ट सी धुंकाः वयात परमेश्वरं वय्कःयात माया याःपिन्त बी धकाः धयादीगु जीवनयागु श्रीपेच बियादी। १३छुं गथे जुयाः सुं मनु जाँचय् लात धाःसा व मनुखं “परमेश्वरं जितः जाँचय् यात” धकाः धाये मते। छायाःसा मभिंगु खं परमेश्वरयात जाँचय् याये फइ मखु, अले परमेश्वरं नं सुयातं स्यंकेत जाँचय् लाकादी मखु। १४तर मनुयागु दुनुगलनिसें हे मभिंगु बिचाः बुया वइ, अले मभिंगु ज्या याये मास्ति वयाः जाँचय् लाइ। १५उकिं वयागु मतिइ बुया वःगु मभिंगु बिचाः बल्लाना

वयाः वं पाप याइ। थथे वं पाप याना हे च्वन धाःसा व मनु सी धुंकाः नरकय् वनी।

१६यःपिं दाजुकिजापिं, थःम्हं थःत धोखा बी मते। १७फुक्क भिंगु भिंगु व सिद्धगु वरदान च्वं, आकाशय् च्वंगु फुक्क जः सृष्टि यानादीम्ह परमेश्वरपाखें वःगु खः। परमेश्वर गुबलें हिली मखु, वय्कः हिलिगु किचः थें नं मखु। १८वय्कलं सृष्टि यानादीगु मध्य न्हापांगु फल भीपिं जुइ फयेमा धकाः सत्य वचनपाखें भीत थःम्हं ल्ययादीगु खः।

वचन न्यंथें याये माः

१९यःपिं दाजुकिजापिं, थ्व खँ ल्वःमंके मते — न्यनेगुलिइ चंख जु। बिचाः यानाः जक नवा, अप्वः तं पिकाये मते। २०परमेश्वरया न्ह्यःने धर्मी जुया च्वनेत तं पिकया जुइ मज्यू। २१मभिंगु बांमलाःगु ज्याखँ त्वःता छ्व। छिमित स्यना तःगु परमेश्वरयागु वचनयात दुनुगलय् तया ति। थ्व हे वचनं छिमित पाप याके मब्युसे पापं बचय् याना तये फु।

२२वचनयात न्यनेगु जक मखु, मानय् नं यायेगु या। थःम्हं थःत धोखा बी मते। २३वचन न्यं थें मयाइम्ह मनु

न्हाय्कनय् थःगु ख्वाः स्वइम्ह थें जुइ। २४ थज्याःम्ह मनुखं थःगु ख्वाः न्हाय्कनय् स्वतले खनी। अले हानं थःगु ख्वाः गय् च्वं धयागु खँ ल्वःमंका तुं छ्वइ। २५ सुनां मुक्ति बीगु सिद्धगु परमेश्वरयागु व्यवस्था ब्वनाः थुइकाः अथे हे याइ, अले ल्वःमंकी मखु, व हे धन्यम्ह खः। वं याःगु फुकक ज्याय् परमेश्वरं आशिष बियादी।

२६ धर्मीम्ह धकाः धया जुइम्ह मनुखं न्ह्यःने लाःथें नवाना जुइ मज्यू। न्ह्यःने लाःथें नवाना जुइम्ह मनुखं परमेश्वरयात मानय् याना जूगु सिंतिं वनी। अले हानं थुकथं याना जूम्ह मनुखं थःमहं थःत थगय् याइ। २७ परमेश्वर बाःयात यःगु भिंगु बांलाःगु धर्म ला मांबौ मदुपिं मस्तय्त व भाःत मदुपिं मिसातय्त दुःख जुइबलय् ग्वाहालि यायेगु, अले थ्व संसारय् मभिंगु ज्याखँ मयासे पवित्र जुया च्वनेगु खः।

ख्वाः स्वयाः ज्या याये मज्यू

२ १ दाजुकिजापिं, छिपिं दकलय् तःधंम्ह भी प्रभु येशू ख्रीष्टयात विश्वास याःपिं जुया नं छाया ख्वाः स्वयाः व्यवहार यायेगु यानागु?

२ सुं छम्ह मनु लुंयागु अंगू न्ह्यानाः

बांलाःगु वसतं पुनाः मण्डलीइ वल, अथे हे सुं छम्ह चीमिम्ह मनु नं भ्वाथःगु वसतं पुनाः वल धाय्का। ३ छिमिसं बांलाक वसतं पुना वःम्ह मनूयात मानय् यानाः “भासँ, थन दिसँ,” अले चीमिम्ह मनूयात हेपय् यानाः “अन हे दना च्वँ, अथबाः बँय् फयतुना च्वँ” धकाः ४ धाल धाःसा छिमिसं ख्वाः स्वयाः ज्या याःगु जुइ। छिमिसं थथे ख्वाः स्वयाः ज्या यात धाःसा छिमित मभिंगु बिचाः तयाः न्याय याःगु द्वपं जुइ।

५ यःपिं दाजुकिजापिं, जिं धयागु खँ न्यँ — संसारय् चीमिपिन्त हे परमेश्वरं विश्वासय् तःमि यायेत व वय्कःयात माया याःपिन्त दुकाये धकाः धयादीगु राज्यय् दुकायेत ल्ययादीगु मखु ला? ६ तर छिमिसं ला चीमिपिन्त हे हेला यानाच्वन। छिमित त्यला तःपिं सु? तःमिपिं हे मखु ला? छिमित अदालतय् यंकीपिं सु? तःमिपिं हे मखु ला? ७ अले हानं छिमित सःतादीम्ह हने माःम्ह प्रभुयागु नां बेइज्जत यायेत स्वःपिं नं तःमिपिं हे मखु ला?

८ जःलाखःलातय्त नं थःत थें माया याये माः धकाः धर्मशास्त्रय् च्वया तःगु परमेश्वरया राज्ययागु व्यवस्था छिमिसं मानय् याना च्वंसा बां हे लात।*

६मनूतयुगु ख्वा: स्वया: ज्या यात धा:सा छिमिसं पाप या:गु जुइ। अले छिमित व्यवस्था मानय् मया:पिं धका: दोषी ठहरय् याइ।

१०व्यवस्थाय् च्वंगु दक्व फुकक मानय् याना: नं छगू जक द्रंकल धा:सां व मनुखं व्यवस्था हे मानय् मया:गुति जुइ। ११“व्यभिचार याये मते” धका: धयादीम्हयसिनं हे “मनूतयुत स्याये मते” नं धयादीगु दु। सुनानं व्यभिचार मया: तर मनू स्यात धा:सा वं व्यवस्था मानय् मया:गु जुइ, अले व पापी जुइ।*

१२अय्जूगुलिं पापं छुतय् याइगु व्यवस्थां न्याय काये खंपिं मनूतयुसं थें नवायेगु व ज्या यायेगु या। १३छाय्धा:सा परमेश्वरं न्याय याना-दीबलय् दया माया मदुम्ह मनूयात दया माया यानादी मखु। दया माया दुपिं मनूतयुत दया माया हे क्यनादी।

**विश्वास या:थें ज्या नं याना:
क्यने मा:**

१४य:पिं दाजुकिजापिं, ख्रीष्टयात विश्वास यानाच्वनागु दु धका: धया जुइम्ह मनुखं ज्या याना मक्यंसा, वं विश्वास याना जूगु छु ज्यालगय् जुल? थज्या:गु विश्वासं वयागु उद्धार

जुइ फइ ला? १५पुनेत वस: मदुपिं, नयेमखंपिं दाजुकिजापिं व तताकेहेंपिं छिमिथाय् दु धाय्का। १६“परमेश्वरं छिमित आशिष बियादीमा, अले बांलाक नया तिया जु” धका: जक धया: छिमिसं इमित मा:गु नसा वस: बिया मछ्वल धा:सा छिमिगु विश्वास छु ज्यालगय् जुल?

१७विश्वास याना थें ज्या नं याना क्यने मफुसा वयागु विश्वास सीगु विश्वास जुइ।

१८सुनानं थथे धाये फु — “छंके विश्वास दु, जिके ज्या दु।” छं छुं हे मयासे विश्वास याना धका: जित: क्यने फु ला? तर जिं ज्यां हे जिगु विश्वास क्यने।

१९परमेश्वर छम्ह हे जक दु धका: छं विश्वास याना च्वंसा, बां हे लात। भूत आत्मां नं थथे वय्क: छम्ह हे जक दु धका: विश्वास या:, अले वय्क: खना: ग्या:।

२०अय् मूर्ख, ख्रीष्टयात विश्वास याना जू थें ज्या याना मक्यनिम्ह मनुखं वय्क:यात विश्वास या:गु सिंतिं वनी धका: छन्त क्यना बी माल ला?


२१भी तापा:बाज्या अब्राहाम गथे जुया: धर्मी जुल, छं स्यू ला? थ: काय् इसहाकयात वेदीइ छाये त्यंगुलिं हे

मखु ला, व धर्मी जूगु? * २२ छं गथे थुइके मफुगु? अब्राहामं विश्वास या: थें ज्या नं याना क्यन। वं या:गु ज्यां हे ला ख:नि, वयागु विश्वास सिद्ध जूगु। २३ थुकथं धर्मशास्त्रय् च्वया त:गु थ्व खँ पूवन — “अब्राहामं परमेश्वरयात अथे विश्वास या:गुलिं हे वयात धर्मीम्ह मनू धका: धयादिल।” “अब्राहाम जिम्ह पासा ख:” धका: परमेश्वरं हे धयादिल। * २४ विश्वास जक याना जुयां धर्मी जुइ मखु धका: ला थुकिं हे सी दतनि। अय्जूगुलिं धर्मी जुइत विश्वास यायेगुया नापं ज्या नं याना: क्यने मा:।

२५ अथे हे राहाब धा:म्ह छम्ह मिसा वेश्या नं देशयागु फुकक खँ सीकेत व:पिं यहूदी मनूतय्त बाय् बिया: बिसिके छ्व:गुलिं हे ला ख:नि धर्मी जूगु। * २६ गथे प्राण मन्त धायेवं मनू सी, अथे हे ज्या याना मक्यंसा विश्वास नं सी।

मेयात लकय् हनेमा:

३ १ य:पिं दाजुकिजापिं, अप्व: गुरू जुया: जुइ मते। गुरू जुया जूपिन्त परमेश्वरं मेपिन्त स्वया: कडा जुइक न्याय यानादी। २ भी फुककसिनं अप्व: याना: द्वंके य:। मद्रंकुसे



नवाये फुम्ह मनू हे जक सिद्धम्ह जुइ। थज्या:म्ह मनुखं जक थ:गु म्हायात लके हने फइ।

३ भीसं थ:गु खँ मानय् याकेत सलयागु म्हुतुइ लगाम तया बी, अले भीसं सलयात य:य:थाय् यंके फइ। ४ अथे हे फसं न्ह्याना च्वंगु तत:धंगु ल:जहाजयात नं छगू चिचाधंगु कर्ण जक संका: नं जहाच चलये याइम्हय्सिनं थ: य:थाय् यंके फु। ५ भीगु मे नं अथे हे ख:। थ्व मे चिपु जूसां थवं तत:धंगु खँ ल्हाना: फुइँ याइ।

अले हानं छकुचा मिं याना: तत:धंगु गुं च्याना वने य:। ६ मे नं मि थें ख:। थ्व भीगु म्हाया मेमेगु म्हब्ब स्वया: मभिंगु म्हब्ब ख:। थवं भीगु म्ह छम्हं

स्यंका बी। अले नरकयागु मि कयाः
भीगु जीवनयात हे छ्वय्का बी।

७मनूतय्सं फुक्कसित तहलगय्
याये फु। इमिसं गुँइ च्वंपिं पशुतय्त,
भंगःतय्त, घिसय् जुया जुइपिं जन्तु-
तय्त, अले समुद्रय् च्वंपिं जीवजन्तु-
तय्त तकं तहलगय् याये फु। ८मेयात
धाःसा सुनानं थौं तक लके याये
मफुनि। थ्व तसकं मभिं, थ्वयात
लके याये थाकु, अले थ्व बिखं
जायाच्वनि। ९थुकिं हे भीसं प्रभु
परमेश्वर बाःयात सुवाः बीगु, अले
थुकिं हे परमेश्वर थें च्वंक दय्का
तःपिं मनूतय्त सराः बीगु खः। १०व हे
छप्वाः म्हुतुं सुवाः नं बीगु, अले सराः
नं बीगु याइ। यःपिं दाजुकिजापिं, थथे
छता याये मते। ११छगू हे बुंगाःचाय्
साःगु नं खायुगु नं लः बुया वइ मखु।
१२दाजुकिजापिं, यःमरिमाय् भद्राक्ष
सइ ला? अले दाखमाय् यःमरि सइ
ला? चिसवाः वःगु बुंगाःचाय् साःगु
लः बुया वइ मखु।

भिंगु व मभिंगु बुद्धि

१३छिमिथाय् परमेश्वरयागु वचन
स्यने फुम्ह सुं बुद्धि दुम्ह मनू दु
धयागु जूसा वं तःधं मजुसे बांलाःगु
चालचलनयाम्ह जुयाः बांलाक ज्या
यानाः क्यँ। १४तर छिपिं नुगः मुइकाः
स्वार्थी जुयाः तःधंछुया जुइ मते।

थुकथं छिमिसं फताहा खँ ल्हानाः
परमेश्वरयागु सत्ययात त्वपुइत स्वये
मते। १५थज्याःगु बुद्धि परमेश्वरपाखें
वःगु मखु। थज्याःगु बुद्धि ला संसारं
ब्यूगु, अले शैतानपाखें वःगु खः।
१६गन नुगः मुइकीपिं थः यःथें याना
जुइपिं मनूत दइ, अन कच कच जक
जुइ, अले मभिंगु न्ह्यागुं ज्या जुइ।

१७परमेश्वरपाखें दुगु बुद्धि पवित्र,
शान्ति बीगु, क्वमिलु जुइगु, मिजासं
जाःगु, दया दुगु व भिंगु फल बीगु
जुइ। थ्व ख्वाः स्वयाः ज्या मयाइगु
व दुग्यंगु जुइ। १८शान्ति बीम्हय्सिनं
मिलय् यायेगु ज्यां भिंगु फल सय्की।

संसारयागु माया काये मते

४ १छिमिगु दथुइ ल्वापु ख्यापु गनं
वल? मोजमज्जा याना जुइगु
बिचारं यानाः थथे जूगु मखु ला? थ्व
इच्छा छिमिगु हे नुगलय् च्वंगु खः।
२छिमिसं थःत यःगु चिजबिजया नितिं
मनू स्यायेत तकं लिफः स्वइ मखु।
छिमिसं थःके मदुगु चिजबिजया
लोभ याना जुइ, अले ल्वाना जूसां
कायेत स्वइ। छिमित माःगु चिजबिज
छिमित दइ मखु, छायाःसा छिमिसं
परमेश्वरयाके मफ्वं। ३छिमिगु मति हे
मभिं, उकिं फ्वंसां छिमित बियादी
मखु, छायाःसा छिमिसं मोजमज्जा
याना जुइत फ्वनी।

४ हे विश्वास त्वःतूपिं मनूत, संसारयात माया याइपिं परमेश्वरया शत्रु खः धकाः छिमिसं मस्यू ला? संसार नाप मिलय् जुइपिन्सं परमेश्वरयात शत्रु याइ। ५ परमेश्वरं भीत बियादीगु आत्मायात जक यय्क च्वना च्वने माः धकाः धर्मशास्त्रय् च्वया तःगु खः। ६ परमेश्वरं अज्ज यक्व दया माया यानादी। धर्मशास्त्रय् थथे च्वया तःगु दु —

“परमेश्वरयात तःधंछुया जुइपिं
मनूत मयः।*
चिधंछुया जुइपिं मनूतय्त धाःसा
वय्कलं यक्व दया माया
यानादी।”

७ उकिं छिमिसं वय्कलं धयादीगु खँ मानय् याना च्वँ। शैतानं धाःगु खँ मानय् याये मते, अले वं छिमित थी फइ मखु। ८ परमेश्वरया लिक्क वा, अले वय्कः नं छिमि लिक्क भायादी। हे पापीत, छिमिसं थःगु ल्हाः सिला छ्व। हे दोमन याना जुइपिं, छिमिसं थःगु नुगःयात शुद्ध या। ९ छिपिं नुगः मछिकाः रूव, पिच्याना हा। छिमिगु न्हिगु सः रूवः सलय् हिला वनेमा, अले छिमिगु लसता दुःखय्


हिला वनेमा। १० परमेश्वरया न्ह्यःने चिधं जु। अले जक छिमित वय्कलं तःधंकादी।

कर्पिन्त दोष बी मते

११ दाजुकिजापिं, सुयात नं मभिकाः खँ ल्हाः जुइ मते। सुं विश्वासी दाजुकिजायात सुनानं मभिकाः खँ ल्हात धाःसां, न्याय यात धाःसां, व मनुखं परमेश्वरयागु व्यवस्थायात हेला याःगु जुइ, अथबाः न्याय याःगु जुइ। थुकथं छिमिसं परमेश्वरया व्यवस्थायात न्याय यात धाःसा छिपिं वय्कःया व्यवस्था मानय् याइपिं मखु बरु छिपिं ला न्याय याइपिं हे जुल। १२ व्यवस्था बियादीमह व न्याय यानादीमह परमेश्वर जक खः। वय्कलं हे बचय् याये नं फु, अले नाश याना छ्वये नं फु। उकिं कर्पिनिगु न्याय याइपिं छिपिं सु खः?

तःधंछुइगु बांमलाः

१३ छिमिसं थथे मतिइ तया जुइ — “थौंसां कन्हय्सां जिपिं फल्नागु शहरय् वनाः दछि ति च्वनाः ब्यापार यानाः धिबा कमय् याना हये।”* जिगु खँ न्यँ — १४ कन्हय् छु जुइ धकाः छिमिसं छुं नं मस्यू। छिमिगु जिन्दगी



गबाय्त हे च्वनी धकाः? छिमिगु जिन्दगी खसु थें खः। छुं ई तक खने दइ, अले हानं तना वनी। १५ छिमिसं अथे मतिइ मतसे, बरु थथे मतिइ तये माःगु खः — “प्रभुयात यःसा, भी म्वानाच्चन धाःसा भीसं थथे अथे याये।” १६ तर छिमिसं तसकं तःधंछुयाः फुइं यानाः खँ ल्हाना जुल। थथे फुइं याना जुइगु बांमलाः।

१७ अय्जूगुलिं सीक सीकं नं भिंगु ज्याखँ मयाइम्ह मनूयात पाप लाइ।

तःमिपिन्त ख्याच्चवः

५ १ हे तःमिपिं मनूत, जिगु खँ न्यँ — छिमित जू वये त्यंगु कष्ट खनाः नुगः दायाः हॉय् हॉय् ख्व। २ छिमिगु धनसम्पत्ति छु नं ज्यालगय् मजुइ धुंकल। वसः नं फवसा ह्यायाः किलं नये धुंकल। ३ छिमिगु लुं वहलय् फवसा ह्ये धुंकल। थथे फवसा ह्येःगु हे छिमिगु विरोधय् साक्षी जुइ। उकिं मिं थें छिमिगु ला नइतिनि। संसार फुना वने त्यंबलय् छिमिसं धनसम्पत्ति मुंकाच्वंगु दु।* ४ छिमिसं बुँइ ज्या याःपिं मनूतय्त ज्याला हे मब्युसे तया तःगु दु। छिमिसं अन्याय यात धकाः व ज्यामित हालाच्वंगु दु। अन्याय जुल धकाः इपिं हालाच्वंगु

सः दकलय् तःधंम्ह व शक्ति दुम्ह प्रभु परमेश्वरं न्यनादीगु दु।*

५ थव संसारय् छिमिसं मोजमज्जा यानाच्वंगु दु। न्याय याइबलय् सीगु दिनया लागि छिमिसं थःपिन्त ल्हंका च्वन। ६ भिंम्ह मनूयात छिमिसं मभिं धकाः स्याना छ्वत, अय्न् वं अथे याये मते धकाः मपं।

दुःखकष्ट सह याना च्वँ

७ दाजुकिजापिं, प्रभु मभातले मन तया च्वँ। बालि लये दइगु आशां मनूतय्सं बालि पिनाः वा मवतले मन तयाः पिया च्वनी। ८ छिमिसं नं अथे हे मन तया च्वँ, थःगु नुगःयात बल्लाका च्वँ छायाःसा प्रभु याकनं हे भायादी।

९ दाजुकिजापिं, छिपिं थःथवय् कच कच याना जुइ मते। अले जक परमेश्वरं छिमित भिपिं मनूत खः धकाः सजाँय बियादी मखु। स्व, मनूतय्त न्याय यानादीम्ह प्रभु याकनं हे भायादीत्यंगु दु।

१० दाजुकिजापिं, वचन न्यंकेत प्रभुं छ्वया हयादीपिं अगमवक्तातय्गु खँ लुमंकि। इमित गुलि दुःखकष्ट जुल, अय्न् इमिसं सह यानाच्चन। ११ इमिसं अथे सह याना च्वने फुगुलिं भीसं

इमित “धन्य खः” धकाः धयाचवना।
अय्यूब धाःम्ह मनुखं नं गथे लिपा तक
सह यानाचवन, अले प्रभुं हे वयात
यक्व लिधंसा बियादीगु खँ नं छिमिसं
स्यू। प्रभुयागु दया माया तःधं।*

१२ दाजुकिजापिं, सुं नाप छुं काल-
बिल यायेत बाचा चिनेबलय् छिमिसं
स्वर्ग व पृथ्वी, अथबाः मेमेगु छुं नं नां
कयाः पाफये मते। खःसा खः, अले
मखुसा मखु जक धा। उकिं छिमित
परमेश्वरं दोष बियादी मखु।*

उसाँय्मदुह्यसिगु नितिं प्रार्थना यायेगु

१३ छिपिं मध्ये सुनानं दुःखकष्ट
सियाचवंगु दुसा वं प्रार्थना या। छिपिं
मध्ये सुं मनु तसकं लय्ताःसा वं भजन
हा। १४ छिपिं मध्ये सुं मनु उसाँय्मदया
चवंसा वं मण्डलीया थकालिपिन्त
सःता हयाः प्रभुयागु नामं चिकनं बुके
बीकाः प्रार्थना या।* १५ परमेश्वरयात
क्वात्तुक विश्वास याना चवंह मनुयागु
प्रार्थनां उसाँय् मदया चवंह्यसिगु

ल्वय् लंका बी। व मनुखं पाप हे याःगु
जूसां वयात क्षमा यानादी।

१६ अय्जूगुलिं छिमिसं थःपिन्सं
यानागु पाप थःथवय् स्वीकार या,
अले छम्हं मेह्यसिगु नितिं प्रार्थना या।
अथे याःसा छिमिगु ल्वय् लना वनी।
धर्मीम्ह मनुखं याःगु प्रार्थना परमेश्वरं
न्यनादी। १७ एलिया नं ला भीपिं थें
दुःखसुख फयाचवंह मनु खःनि। वा
मवयेमा धकाः वं दुनुगलंनिसें प्रार्थना
याःगुलिं धात्थें हे स्वदँ व खुला तक
पृथ्वीइ वा मवल।* १८ लिपा हानं
वं प्रार्थना यात, अले वा वल, अले
पृथ्वीइ अन्न सल।*

१९ दाजुकिजापिं, छिपिं मध्ये सुनानं
परमेश्वरयात त्वःता वंम्ह मनुयात
हानं लिगना हल धाःसा तसकं हे
बांलाइ। २० थुकथं लिगना हःम्ह
बांमलाःगु लँय् वना चवंह मनुयात
ला नरकं हे लित ब्वना हःगुति जुइ।
अले छिमिसं यानाः वं याःगु फुक्क
पाप नं परमेश्वरं क्षमा यानादी। थ्व खँ
लुमंका ति।*